



So phenel i Biblia?

- an rromani cib ungrikon



- 22 povestiri biblice cu ilustrații
 - în limba rromani, dialectul carpatic
- 22 elmesélt bibliai történet, képekkel
 - kárpáti roma nyelven

Me hom o drom




1. O Del kerdeas e lume

Mai anglal, okkor kana o Del i phu kerdeas la, khore erzindeam amen, has amen ieg than. O Del kerdeas o menneos the i phu, se mindenos so has pe phu the an menneos.

Kerdeas o kham, o ciunut the o cerenea te avel vilagşagos, kerdeas alotonen, ciriklean, macen, kaşt, e ciar, se mindenos so has. O Del dikheas ke se mindenos mişto hin the öromöşon haslo.

O Del kerdeas le manus. Kerdeas te ieg bar kai kode te avel o manus. O Dragon Del kerdeas an bar but şukar diümölcifavi kai te hhal o manus the o kaşt kai has o eletos. Kerdeas te iek aver kaşt kai has le miştimasro the le giungalimasro gianglibo, the phendeas le manuske te na hhal diipe kodo kaşt, ke sar hhal, merel.

O Dragon Del kerdeas paşo manus iekha giulea te na acel kokorro. The kide dikheas o Del ke kala se mişto hine. Kado has o than o mai lacio vaş amenghe.



2. Sar hhasardeam o drom kurig o Del

leg maşko vodon alloti, o sap, has o mai rovoson allotos. Vo puci-leas la giuleatar: „O Dragon Del phendeas te na hhan pa nici ieg kaşt?” De i giulii ode phendeas: „Şei hhas pa sekkon kaşt, numa pa ieg kaşt naştik hhas, pa kodo kaşt kai hin le miştimasro the le giungalimasro gianglibo.” De o sap phendeas: „Dake hhan dii pe kodo kaşt, avena sar o Del, gianena o miştibo the o giungalibo.”

The dikheas i giulii ke zores şukar diömölcii has pe kodo kaşt. Okkor hhaias he dineas te pesre muşes. Kide isarde o dumo le Deleske the durile katho Del.

Kide ke o Dragon Del ari naşadeas len andra kode bar kai te na hhan deandra okover kaşt, kai has o eletos. Ari naşadeas len o Dragon Del the ciuneas pesre andealen kai te örzinen kodo kaşt kordonença. Kide kărdiile o manuşa ideghenie pe phu.





3. O Abraham

Palo anglune manuşa jidiile but aver manuşa. Maşke kola but has kise save na patteane an Dragon Del, de has kise, save patteane an leste the ode kerde so vo phendeas. Has ieg manus, o Abraham, saveske ode phendeas o Dragon Del:

„Mik otte tro them, tro neamos the tre dadesro kher, the già an kodo them savo sikavoho les tuke. The keroho andra tute ieg baro nepos, the aldinoho tut, baro avela tro nav, the aldimen avena o manus pordal tute. Save aldinena tut, aldinoho len, save atkozinena tut, atkozinoho len.”

O Abraham ode kerdeas so phendeas leske o Dragon Del. Kana




ghileas peske, barvalo haslo, de na has les ține ciave. Pehe ghineas pesra rromnea the semindenos so has len, pengre manusen, the ghile an kodo than kai sikadeas leske o Dragon Del, an Kanaan.



The kana othe risle an Kanaan, ode phendeas leske o Dragon Del: „Kado them doho les kolenghe save acena tutar pale.” The okkor o Abraham kode kerdeas ieg altaris the imatkozindeas.

Pale kode but borș sikadeas pes o Dragon Del le Abrahamoske the ode phendeas leske: „Ferinav tut the baro avela tro poťibo.”

The o Abraham ode phenel leske: „Dragona Dela, so dehe man? Ke morro barvalibo so hin man, morre sogalovoske acela, ke nanii man ține ciave.” The ode phenel leske o Dragon Del: „Na, ke me doho tut iekhe ține cias. Gia ari the dikh opre po ceros!” O Abraham ari ghileas the ode phendeas leske o Dragon Del: „Gianes te inghines o cerenea? Kola save pale tute avena, kițom avena sar o cerenea, ke aldinoho tut.”

O Abraham patteaneas the vaș kede o Dragon Del ode phendeas ke vo ieg ciacio manus hino.






4. O Abraham the o Ijak



O Del sar phendeas le Abrahamoske, te kide kerdeas. Sar phen-deas ke dela les iekhe ḥine cias, te dineas les, le Ijakos.

De kana o Ijak mai baro kerdileas, o Del ode phendeas le Abrahamoske: „Abraham!” Vo ode phendeas: „Kade hom, morro Del.” O Del phendeas: „Gia an kodo than savo sikavoho me tuke, pe kode dumba! The kode aldozin opre tre cias vaş manghe: mudar les pe ieg altaris the phabar les!”

O Abraham tosarra opre uştiileas, ileas le Ijakos, duien dean pes-re sogalovi, pharradeas kaṣta, opre ciuneas po somaris i nierghe the ghileas. An trito dies othe risleas the dikheas kodo than savo phen-deas leske o Del. Ode phendeas le sogalovonenghe: „Tumen acen kade le somaroho, ke me giav morre ciahā kai te imatkozinas, the pale avaha.”

Opre ciuneas pe le Ijakosro dumo o kaṣta, save vaş o aldozotos has le. The vo ileas i ciuri the i iag, the opre ghile kode pe kode dum-ba.







The sar gianas, ode pucileas lestar o Ijak: „Tata, kade hin o kaşa, kade hinii i iag, de kai hin o bakro so hin te aldozinias opre?” The okkor o Abraham ode phenel pesre ciaske: „O Del gîndos ghijala pa leste, morro ciavo.”

Kana othe risle, o Abraham kerdeas ieg altaris. Opre ciuneas o kaşa, the phangleas pesre cias the opre ciuneas les. The kana ileas i ciuri te mudarel les, haiardeas ieg hanga, de kodo le Dragone Delesro andealos has the kide phendeas leske: „Abraham, Abraham, na ker la! Mik les bono pace, na mudar les! Akana dikhav ke das mandar the keres ode so phenav me. Na niikerdean pale tre ține cias mandar.”

The o Abraham pala peste dikheas the dikheas ke ieg bakro andre hino akadimen le şinghenţa an bokri. The ghileas the koles aldozinideas opre an le Ijakosro than. The ode phendeas: „O Dragon Del del amen so kampel amenghe, kana kampel.”

Inke iekhar haiardeas le Dragone Delesre andeales: „Țolahharav pe mande, phenel o Dragon Del, ke zores aldinoho tut vaş kode kai kerdean ode so me phendeom tuke. Kerdean ode kai te aldozines opre tre ține cias vaş manghe, the akana dikhav ke patteas an man-



de the daras mandar. Vaş kode kai othe dinean tre tine cias vaş manghe, aldinoho tut zores the pordal tute avena aldimen o saste manuşa. Kide sar po ceros o cerenea, sar o homokos po silos le tengherosro, kiți manuşa acena tutar pale aciade.” Pala ode pale ghileas ko sogalovi, the ghile penghe khore.




5. Le lakobesro suno


O Ijak, le Abrohamosro tino ciavo opre barieas the ileas peske rromnea. Kerdile les dui tine ciave. leg bicieas lakob the ieg Ejou. O Ejou kamneas te mudarel pesre phrales, ke rușeas pe leste, the kai te na mudarel les, ghileas peske lesro phral o lakob karig o Haran, kai beşelas lesro bacis.

Kana tele ghileas o kham, risleas ka ieg than, ileas ieg barr, tela pesro şero ciuneas les the suteas. Dikheas an suneste kise lunghi lepcöves, save kise lunghi hasle pa phu gii opre ko ceros. Pe kola phirenas le Delesre andeala opre the tele.

The o Dragon Del acelas legopral the phendeas leske: „Me hom o Dragon Del, tre paposro, le Abrohamosro Del, the te le Ijacosro Del. Tu ke doho kado them the kolenghe save dean tute avena. Kiçom gine



avena dean tute sar pe phu o homokos. Pordal tute avena aldimen o saste manuşa pe phu the pordal kola save dean tute avena. Fiekai phirehe, me tuva avoho the na bantinela tut khagino, ke me üdielino-ho pe tute the pale anoho tut ka kado than. So phendeom tuke, kide keroho.”




6. O Iakob iseeol khore



O Iakob beşleas ka pesro bacis, ko Laban. O Iakob ileas peske ştare rromnean. But ține ciave the alloti kărdiile les. The iekhar o Iakob ghindindeas an peste ke pale giala an pesro them, kothar, kathar avieas, ka pesre dadesro kher the induindeas khore. De inke mai daraneas vo kathe pesro phral, katho Ejou.

O Iakob traneas pesre sogalovonen ko Ejou kai te phenen leske ke avel khore. Ghile o sogalovi the phende le Ejouoske ke avel lesro phral. Pala ode pale avile o sogalovi the phende le Iakoboske: „Avel tro phral karig tute ștar șăl manușența.”

O Iakob dikheas die dural ke avel lesro phral o Ejou. Opre ostindeas pesre ciolados: save dragon has leske ciuneas len anglal, save mai dragon has leske, ciuneas len mai palal.



Vo ghileas anglal the sar gialas karig o Ejou, efta var tele bandieas angle leste. O Ejou kana dikheas les die dural, angle leste našeas, an lesri korri hhuttiieas, ciumigleas les the iekh avreske rovarenas pen.




7. O Mozeş

O Iakob an Kanaan besleas. Iekhar na has len hhabo, ke bari bokh has. The ghile an Ediptomos te losaren penghe hhabo. The von, le Delesro nepos, o Izraelos, othe acile şar şäl borş an Ediptomos.

Pale but reme opre dine cingar ko Del ke but senvedinde. But marenas len, but butii kerarenas lença.

Has ieg manus de ando Izraelos, savo biciolas Mozeş. Vo hhavarrelas pesre srastresre bakren. Iekhar an pustavon than haslo, risleas ka le Delesri dumba, savi bicieas Horeb, the le Delesro andealos sikadeas pes leske an ieg bokros savo phabolas, de na phabolas se.


Kana dikheas kodo bokros o Mozeş, kamneas kai te gial te dikhel sar phabol, de na phabolas se, the zores ciudalkozindeas. Haiardeas



ieg hanga dean kodo bokros: „Mozeş, Mozeş!” Vo ode phendeas: „Kade hom.”

Ode phendeas leske o Dragon Del: „Me hom tre phurengro Del, le Abrohamosro Del, le Ijakosro Del the le Iakobosro Del.” O Mozeş tele bandeardeas pesro şero, ke daraneas. Ode phendeas leske o Dragon Del: „Haiardeom morre neposri dukh, ke sode senvedinen, sode maren len. Opre dine manghe cingar the me haiardeom len. Hin te gias kai te vezetines ari morre nepos dean Ediiptomos kai te ghigias len an Kanaan, pe kode phu savi lengre phurenghe phendeom ke dav la. Akana gia the vezetin len ari dean Ediiptomos, morre nepos, le Izraelos.”

The o Mozeş te kide kerdeas. Pale ghileas an Ediiptomos, de o kraisis na kamea te mikel len te gian penghe, kamea te kerarel lenta butii. De o Dragon Del vaznea len, the but peldes kerdea, the o Mozeş ari unkadea len deandro Ediiptomos.




8. O Izraelesro nepos risel an Kanaan

O Dragon Del so ighirindeas, te kerdeas: ari andeas pesro nepos dean Ediiptomos. Kana pašeolas karig o Kanaan, muias o Mozeş, the o lojue has o vezetövos. The o Dragon Del ode phendeas leske:

„Kiso solgas te aves manghe sar has o Mozeş. Ke akana muias o Mozeş, the tut valostindeom tut ari kai te ghigias morro nepos an Kanaan, sar ighirindeom tumare phurenghe. Kodo them lenghe ighirindeom les, the othe ghigiav tumen.”

De but zorale nepi has an Kanaan, kide ke o Dragon Del phen-deas: „Av batroon the zoralo, ke me tuva avoho an se mindenoste kai

phirehe. Sar homas le Mozešehe, te tuva kide avoho. Ker kode törvenie, savi o Mozeş sikadeas tuke! Na terin tele pa morro drom nici pe ciacii, nici pe zervon rig, kai te avel tut but bahht karig phires. Na dara! Av zoralo the av batroon! Me tuva avoho sekkovari, fieka phirehe.” The o Del lenta has kai te len o Kanaan.





9. Hin mišto te aces pašo Sfunton Del



O Dragon Del phendeas pesre neposke, le Izraeleske: „Dake na haiarena murri duma the na kerena ode so me phenav tumenghe, te niikeren morri törvinie, okkor maroho tumen:

Kana gian te maren tumen tumare rušle manusenja, giana pe ieg drom, de von kiso zores marena tumen, kai pe efta droma našena tumenghe daratar.

Kana dikhena o manuşa an aver thana sar mardeas tumen o Dragon Del, okkor zores darana.”

Pala ode le Delesro nepos, o Izrael, but reme acela an pengro them, but jidiila othe le Delesro nepos. O Del but vari phendeas lenghe kai te haiaren katho profeta the te keren ode so phenen von, te






keren ode so phenel o Dragon Del, ke draghi has leske the has leske mila lendar, de von na kerde kide.


Mudarde le profetan, marde len, ciufşagoinde len. Kala se mindenlos opre ghile ko Dragon Del, the okkor zores rușeas o Dragon Del pe lende.

O Dragon Del andeas le Bobilonosre kraies pesre sugladeanța. Kon has angla lende, se mudarde sekkones le kordonența. Andre ghile an lengri khanghiri, se mudarde ternen, ține ciaven, baren, phuren, ține ciaian, sekkones.

The se unkade ari dean le Delesro kher o vasi, o somnakai, o saste senti butea, the ile lendar semindenos so has len, the opre phabarde le Delesri khanghiri. Tele musarde le Ierujalemosre peretes the opre phabarde semindenos.

The kola save jidiile, ghine len an Bobilonos. The kode hasle sogalovi le kraieske the lesre ciavenghe. Numa pale eftavardeș borș avieas pale le Dragone Delesro nepos an pengro them.





10. O Dragon Del phenel ke tradela ieg lacio kraiis

Le Delesro nepos, o Izrael, na kerde ode so phendeas lenghe o Del. Vo traneas ieg profetos, the vo ode phendeas lenghe ke o Del tradela ieg kraiis, kai semindenos te avel mišto:

ieg ḥino ciavo kerdeola amen, o Del iekhe ḥine cias dela amen. Vo avela amaro kraiis, savo phenel amenghe se mindenos sar te keras.

Vo avela ieg zoralo Del, ieg Dad savo avela sekkovari, the kai avela vo o kraiis, othe mištibo avela maško manuša. Lesro them bareola the othe mištibo avela maško manuša sekkovari. Beşela pe le Davidosro tronos, avela ieg rei pe lesro them ciacimaha die akanara the sekkovari. Kala kerela len o Dragon Del.

11. Kana o Iezuſis kărdiieas

An kode reme kana o Augustuſ has o kraiis an Roma, khithane kameas kai te inghinien le saste manuſen, sode has an them. Sekkon manuſ kampieas kai te gial an kodo foros kathar has lesro ciolados, kai te inghinien len.

Has ieg manuſ, o lojef, the lesri rromni, i Maria. O lojef ghileas te





vo kai te gial katho Nazret, kai beşle, an le Davidosro foros, vaş kode ke dean le Davidosro neamos haslo. O Iojef ghineas te pesra rromnea la Maria. I Maria khamni hasii. Kana othe hasle an Betlehemos, avieas i reme kai te nesfeeol i Maria.

Kerdeas iekhe tine cias, kai has lakro sighthiduruno ciavo. Andre pateardeas les the kode ciuneas les kai te sovel kode kathar hhan o alloti, vaş kode ke aver varkai na has len than. Kide kărdiileas o lezuşis.

Kode paşo Betlehem, ari pe mal has nişte bacii, kai grijinde reatiel le bakren. He sikadeas pes le bacionenghe iek andealos, the le Delesro feneos körbe ileas len the von zores darane.

The o andealos ode phendeas lenghe: „Na daran! Iekh lacii hire anav tumenghe! Ke kerdileas kodo saves avugiaren, savo mentinela tumen, o kraiis. Gian ando foros, ke kode dikhena les.”

The die iekh ieleninde but andeala, save kide laşarde le Deles: „Laşaren le Deles an ceros! The pe phu te avel lenghe miştibo ko-lenghe, kon hin draghi le Deleske!”



Pale ode kide phende o bacii maşke pende: „Aven kai te gias sigo an foros, an Betlehem, te dikhas so törtenindeas, so phendeas amenghe o Del!” Von kana andre ghile an Betlehem, arakhle la Maria the le lojefes the le ține cias.

Ode phende la Mariake the le lojefoske o bacii: „Sikade pen amenghe le Delesre andeala the phende amenghe ke kerdiileas kodo savo mentinela amen, o kraiis.” The pale kode pale risle pe mal the lașarde le Deles.




12. Kana ținono has o Iezușis, kamle kai te mudaren les

Kana kerdiileas o Iezușis, an kode reme has o Herodeș o kraiis. The haiardeas ke kerdiileas inke iekh kraiis le Izraeloske. O Herodeș zores rușeas, ke daraneas ke kado țino ciavo lela lesro kiraișagos.

Okkor ode phendeas ke sekkone ține cias gii ko dui bors te mudaren an kodo foros.

De le Delesro andealos sikadeas pes an suneste le lojefoske the ode phendeas leske: „Le le ține cias the la Maria the nașan tumenghe an Ediiptomos! Ke o Herodeș zores rușel po țino ciavo. Kamel te mudarel les.” The o lojef, kana haiardeas, okkor ileas le ține cias the la Maria, the ghile penghe andre andro Ediiptomos.

The othe acile gii kai muias o Herodeș. The pale kode ghile penghe khore. Kide kampieas te kerdeol andre kode so phendeas o Dragon Del pordal pa profetos: „Dean Ediiptomos akhardeom ari murre cias.”



13. O Iezuſis gial ka Bari Khangheri

O Iezuſis ſukar barieas. Zoralo the godeaver kerdileas the dragon has le Deleske. Lesro dad the lesri de an sekkon borſ ka paska, ko baro ünnepos, gianas an Ierujalemos.

Kana haslo deſuduie borſengro, te o Iezuſis ghileas peske lenṭa. Kana kampieas kai te aven khere, o Iezuſis othe acileas an Ierujalemos, bi te gianen lesro dad the lesri de.

Von ode ghindinde, ke pesre neamonenṭa hino, de pala ieg dies dikhle ke nanii maſka lende. Losarde les maſko borati the maſko neamii, de na arakhle les. Vaſ ode pale ghile an Ierujalemos.

Pale trin dies arakhle les an Bari Khanghiri. Körbe haslo ilo le manuſenṭa save ſikavenas e Törvinie le Delesri, the o Iezuſis dumazinelas lenṭa pa le Delesri Törvinie the pucelas lendar. Zores bamulinenas pe leſte kola muņa, kiso godeaver haslo the zores mišto feleindeas lenghe. Kana dikheas lesri de le Iezuſes, puceas leſtar: „Morro ciavo, sostar kerdean kede amenṭa? Die trin dies losaras tut!”


De okkor ode phendeas lenghe: „Tumen na gianen ke murre Dadesre buteanṭa hin te hhudav man? Na gianen ke kade hin morro





than, an morre Dadesro, le Delesro kher?" De von na hhune opre so vo phendeas lenghe. Pala ode khore ghile an Nazaretos the o Iezusis haiardeas kathar pesro dad the kathar pesri de. De lesri de na bristideas kola trabes.


O Iezusis şukar barieas the mai godeaver kerdileas the dragon has le Deleske the le manusenghe.



14. E bari vociora

Kana barileas o Iezusis, but dumazindea le manusenghe. The iekhar kide phendeas lenghe: „Kana kerena iek meseli, te na akharen le boratonen, le phralen, le neamonen, le barvalen, kai te na den tut te von pale kodo hhabo. Akharen le ciorren le banghen, le neomorikonen, le korren!"

The phendeas lenghe sar iek felos parames: leg manus phendeas kai te keran but hhabo. Bute ginan akhardeas ka kode meseli. Kana gata has o hhabo, ari traneas pesre manus es kai te akharel le manusen, ke gata hin o hhabo.




Lesro manus ghileas, de kola manus a saven vo akhardeas, o de phende leske te na ruşen ke von naştig gian. O sighiduruno o de phendeas: „Akana ḥindeom manghe ieg phu, giav te dikhav la. Phen tre gazdaske te na ruşel.”

O duito o de phenel: „Akana ḥindeom manghe panci pari guruva, giav te dikhav lendar, so gianen te keren. Phen tre gazdaske te na ruşel.”

O trito o de phenel: „Akana ileom manghe rromnea. Naştig giav.” Pale ghileas o manus ka pesro gazdas the phendeas leske so phende kala manus.

Zores ruşeas lesro gazdas the o de phenel leske: „Gia sigon ari po drom, kide khithane le ciorren, le banghen, le korren the le neomorikonen, the an len!” Gheas lesro manus the khitane kineas len. Pala o de o de phendeas pesre gazdaske: „Morro rei, mai acileas than.”

Okkor o gazdas kide phendeas leske: „Gia ari dean foros po drama, po üşvenie the losar khithane manusen, de sigon phen te aven, kai te phärdeol ari o than! Kide phenav tumenghe: kola saven akhardeom len mai sighider, kola na hhana manṭa ka kado hhabo.”





15. O ciavo savo iseieea pale ka peskro dad

Kola manuşa save giungale butea kerde, o saste avile kai te haieren le lezuşes. De save kamle te keren so phendeas o Del, rovarenas pen: „O lezuşis giungale manuşen̄a dumazinel the hhal len̄a an iekhate.”

Pa kede o lezuşis kide phendeas: Has ieg manuş saves has les dui ciave, ieg mai baro the ieg mai ḫinono. O mai ḫinono ode phendeas pesre dadeske: „Tata, de ari morro resos so manghe phirel, an lovende!” Lesro dad othe dineas leske o love.

Pale varesode diesa, o mai ḫinono khitane hhaneardeas pesre butea so has les the ghileas peske. Gheas peske dur kathe pesro dad the othe se jidiieas pesre love. Kiso eletos jidiieas ke na has les gîndos pe lüme.

Pala ode avieas ieg bari bokh the les na acileas les khaici. The gheas ka ieg manuş te losarel peske butii. The arakheas peske butii ko bale, kai te del len te hhan. De vo kiso bokhalo haslo, ke hhaiahas te dean le balengro hhabo, de nici dean kodo na mikle les te hhal.

Dinea pesri sama ke se viaṭa hin les the kide ghindindeas an pes-




te: „Morre dadesre manusá hin len but hhabo, the me kade merav bokhatar. Pale giav manghe ka morro dad the phenav leske: Dikh, tata, giungalibo kerdeom anglo Del the angle tute. Na hom destul lacio te phenes ke tro ciavo hom. Mik te avav ieg dean tre manusá!” The pale ghileas ka pesro dad.

Kana risleas karig ko kher, lesro dad dikheas les die dural, angle leste našeas, an lesri korri hhuttiieas the ciumigleas les. The vo ode phendeas pesre dadeske: „Tata, na hom destul lacio kai te phenes ke tro ciavo hom. Giungaiibo kerdeom anglo Del the angle tute.” De lesro dad ode phendeas pesre manusenghe: „Anen leske o mai lace rízes, tîrden angrusni pe lesro angruș the den les sondes! The cinen tele le thule borneuvos, te örwendinas the te hhas, ke pale avieas morro ciavo, savo mulo has the jivel dean neveste, hhasardo haslo the arakhlo hino.”



O mai baro ciavo ari haslo pe mal. Sar avieas karig khore, haiardeas i zeli the kai khelenas. The akhardeas iekhe cias the puceas lestar: „So hin kala zieaha the kala khiimaha kade?” The phendeas o ciavo: „Pale avieas tro phral. Tro dad tele cineardeas le thule borneuvos, ke örwendinel ke pale avieas sasasto.”

De vo kana haiardeas, zores rușeas the na kameas kai te gial andre. Ari avieas lesro dad the ode phendeas leske: „Amandre, morro ciavo!” De vo na ghileas andre. Ode phendeas pesre dadeske: „Die sode borç tuke sogalinav the tuke kerav butii. De man na dinean man nici iekhar kecike kai te mulotinav morre boratonența. He dikh, kodo tro ciavo, savo le kurvența ciunea tre love, kana khore avieas,



tele cineardean vaş leske le bare thule borneuvos kai te hhan the kai te mulotinen, de vaş manghe na kerdean la.”


Ode phendeas leske lesro dad: „Morro ciavo, tu sekkovari manṭa han, semindenos so hin morro, tiro hin. Kampelas te mulotinas the te örvendinas, ke pale avieas tro phral! Ke mulo has, the jivel dean neveste. Hhasardo haslo, the arakhlo hino.”


16. O lacio bacios

O Iezuſis dumazinelas le manuſenghe, kerelas lenṭa miſtibo, the sastearelas len. Iekhar ode phendeas: „Me hom o lacio bacios. O lacio bacios othe del pesro eletos vaş o bakre.

O sogas, savo hino poṭimen te grijinel le bakran, naniilo bacios, the o bakre nanii lesre. Kana dikhel ke avel o ruv, othe mikel le bakran, the naſel peske. The o ru hhudel len the naſavel len. O sogas naſel peske, ke nanii lesre o bakre the nanii leske draghi.

Me hom o lacio bacios. Sar morro Dad pringianel man, the sar me pringianav les, kide pringianav me morre bakren, the von kide pringianen man man. Me othe dav morro eletos vaş o bakre. Hin man te





aver bakre, save na dean kede stîna hine. Te kolen hin te anav len kade, the halgatinena kathe murri duma. Akkor avela ieg turma the ieg bacios."



Amen gianas ke o lezuşis hin o kraiis kas o Del traneas kai semindenos te avel mišto, kai te avas le Delehe. Vo sasteardeas le nasfalen the bociatindeas le manuşengre bünii. Kide sar phendeas, vo giangheas ke othe dela pesro eletos vaş o manuşa, the vaş ode ghileas an lerujalemos.



17. Le lezuşes hhuden les

O lezuşis dumazinelas le manuşenghe the kerelas lenṭa miştibo the sastearelas len. Bute manuşen ceiieas len kede, de le bare raşaian the le bare manuşen na ceiieas len. Von ode phende maška pendē: „Te hhudas le lezuşes the te mudaras les!”

O ludaş, ieg dean le lezuşesre tonitvanea, ghileas ko bare raşaia kai te pukhavel le lezuşes. Kola örvendinde the phende ke potinen les. O ludaş losardeas ieg lacii reme kai te pukhavel le lezuşes.

An la paskakro elşövon dies phendeas o lezuşis duienghe maška pesre tonitvanea: „Gian the laciaren la paskakro hhabo!”





Von te kide kerde.


The sar hhanas, o Iezuſis ode phendeas: „Kon bolela manṭa an iekh ciaro, kodo pukhavela man.” O tonitvanea zoren buſuiimen hasle the pucile lestar: „Vare na me hom kodo?”

O Iezuſis phagheas o mangro the kösöniindeas le Deleske the dineas pesre tonitvaneonenghe. The ode phendeas: „Len te hhan dean leste! Kado hin morro teſtos.” Pala ode ileas te i mol, kösöniindeas le Deleske, dineas la pesre tonitvaneonenghe the saste pile dean late. The ode phendeas: „Kado hin morro rat, the pando rat so thadela vaſ, butenghe, kerel o Del iek phandibo le manuſenṭa.”

Pale so hhale, ghile penghe ande iek bar, kai kide biciolas Ghecemeane. Pehe ghineas le Peteros, le lokobos the le lanoſes. Zores buſuiimen haslo the ode phendeas lenghe: „Acen kade the aven trezi.”

Vo ebuka mai dur ghileas the ode phendeas: „Abba, tata, dake ſei, le mandar kado poharos! De na kide te avel sar me kamav, te avel kide sar tu kames.”

Pale ghileas lende, the arakhea len soindos. The ode phendeas le



Petersoske: „Peter, na gianes nici ieg ora te aves trezon? Aven trezi the imatkozinen kai te avel tumen zor an pharibo.” Pala ode pale ghileas peske o lezuşis, the se kide imatkozindeas. Kana pale avieas, o tonitvanea paneş sovenas, ke mikea pes e lindr pe lengre iakha, the na giangle so te phenen leske.

Pala ode pale ghileas, paneş imatkozindeas o trito vare. Pale ghileas lende, the o lezuşis ode phendeas lenghe: „Aven, uştien opre! Uştien opre ke akana pukhavena man.”

The o Iudaş bute manuşenţa avieas ko lezuşis. Kopaianţa, ciuraneanţa, kordonenţa avile kai te hhuden les. The o Iudaş phendeas lenghe: „Saves ciumidav, koles kai te hhuden!” O Iudaş ghileas the ciumigleas le lezuşes the o sugladea hhune le lezuşes.


The o lezuşis phendeas: „Kide aven kai te hhuden man? Sar kana ieg cior avohos, kopaianţa the kordonenţa? Sostar na avilen kana kode an khanghiri homas the phendeom tumenghe pa Dragon Del? So na avilen okkor kai te hhuden man?” The o tonitvanea se othe mikle les the naşle penghe.



18. O lezuşis anglo Pilatus

Tosarra iokor kide dumazinde pen o bare manuşa the o bare raşaia te ghijan le lezuşes anglo Pilatus, te ghine les. O Pilatus kide puceas katho lezuşis: „Tu han le Izraelosro kraiis?” O lezuşis ode phendeas: „Sar tu phenes.”

O bare raşaia but giungalibo phenenas pa leste. Ode pucel lestar o Pilatus: „Dikh so phenen pa tute kala bare raşaia, tu na phenes khaici?” O lezuşis bute na phendeas khaici.





Zores ciudalkozindeas o Pilatus.

An kode reme üneposri, o Pilatus sekkovari mikeas ari iekhe robos maşka kola save phangle has le. The ode phendeas le manusenghe: „Mikav ari tumare kraies, le Iezušes?” Von ode phende: „Na! Mik amenghe ari le Borobaşes!” O Borobaş vaş kode haslo phanglo, ke mudardeas manusęs. O Pilatus ode puceas lendar: „O Iezuśis se giungalibo kerdeas?” Von mai zores dine cingar: „Po truşul le Iezušes!”

Pala ode dineas o poroncis o Pilatus kai te maren les the pala ode kai te ciuven les po truşul. O sugladea ghine les an udvora an maşkar le palatosro.

Kode dine pe leste kise rizes sosre has le kraionen the kerde leske ieg korona dean kangre the pe lesro şero ciune la. The marde les iekha kopaiaha an şereste the ciungarde les, ciufşagoinde pen lehe the an boghende ciune pen angle leste, kide sar kana kraiis vo avelas. Ciufşagos kerde lehe.






19. O Iezuſis po truſul

O sugladea ghine le lezuſes kai te ciuven les po truſul. Kana othe risle ka Golgota, dine le lezuſes orvoſagosri mol, kai te piiel, de vo na pieas.

O sugladea opre ciune les po truſul, ari fesitinde les. Tosarra karig o enea has kede. The paſa leſte has inke dui ciora, saven ari fesitinde len.

Kola save kode hasle, ciuſagoinde pen lehe. Ode phende leske: „Dake tu han le jidovenengro kraiis, ama tele pa truſul! Okkor patteas an tute.” Ciuſagoinde pen lehe te kola save po truſul has.

Katho mismeris gii ko trin andre retiieas pe sastii phu. The ko trin dineaſ cingar o Iezuſis: „Eli, Eli, lema sabaktanii?” So ode ielentinel: „Morro Del, morro Del, sostar mikean man?” Has kode mol the ieg maſka kola save haiarde les sigon naſeas, andre martindeas ieg kotor an mol, the othe ciuneas leske ka lesro mui kai te piel. O Iezuſis iekhar dineaſ iek bari cingar the pale kode muias.






Kana muias, an Bari Khanghiri e thuui firhonga, savi pateardeas o senton than, dii opral gii tele an duiende pharileas.

Ko truṣul has le sugladiimasro kopitanos, the dikheas sar muias o Iezuſis. Ode phendeas: „Ciaces, ke kado le Delesro ciavo haslo.”

Has ieg manus savo avugiardeas le Delesro kiraiſagos. Vo kide bicieas lojef dean Arimateea. Gheas ko Pilatuš the mangheas le Iezuſesro mulo teſtos. O Pilatuš akhardeas le sugladiimasre kopitanes the ode puceas leſtar: „Kiso sigo muias o Iezuſis? Ciaces ke muias?” Vo ode phendeas: „Ighen, muias.” The okkor ode phendeas o Pilatuš, ke ſei len lesro teſtos dii po truṣul.

O lojef tele ileas les pa truṣul. Andre ciune les an ieg baro parint, ghine les the an ieg borlongos ciune les andre the ciune ieg baro barr ko udar. O giulea save le Iezuſehe phirenas, dikhle kai ciune le Iezuſesro teſtos.





20. O Iezuſis opre tamodindeas


Kana nakheas o savatos the avieas o kurko, o giulea ghile ka le Iezuſesro ſiros. Tele avieas le Delesro andealos ko ſiros, kai femlinelas an parne rīzende the krikhispineas o baro barr katho udar.


Kola save păzinde o ſiros, zores dereniile.

Le giuleanghe ode phendeas o andealos: „Na daran! Me gianav ke le Iezuſes losaren. De vo nanii kade. Opre tamodindeas de maſko mule. Na phendeas tumenghe ke opre tamodinela? Gian sigon, phenen le tonitvaneonenghe ke opre tamodindeas o Iezuſis!” O giulea zores dereniile de te örvendinde the ghile sigon kai te phenen le tonitvaneonenghe.

Kana ghile, de ande iekh angle lende avieas o Iezuſis the vo ode phendeas lenghe: „Te aven bahhtale!” O giulea bandearde pen angle leste. O Iezuſis phendeas lenghe: „Na daran! Gian sigon, phenen morre phralenghe kai te gian an Golileea, ke kode risaha amen.”

Kana o tonitvanea othe risle an Golileea, kide has sar phendeas o Iezuſis, risle pen lehe the ode phendeas lenghe:





„O Del dineas man pesri zor anceros the pe phu. Gian tumenghe the keran saste neponen te aven morre tonitvanea, the keresteinen len an le Dadesro, an le Ciasro the an le Sínton Duhosro nav! Sikaven le manušen te niikeren se minden so me phendeom tumenghe! The me tumenja avoho sekkovari.”

Pala ieg reme o lezuſis opre ghileas an menneos angla pesre tonitvanea. The körbe ileas les ieg baro felhövos. Angla lende kertiile du manuša the ode phende lenghe: „Sostar ciudalkozinen kide, ke o lezuſis opre ghileas an menneos? Sar dikhlen ke ghileas peske, kide avela te pale.”


O lezuſis kana phirelas pe phu, ode phendeas le tonitvaneonenenghe: „Na daran! Pattean an mande, pattean an Del! Na gianen ke an morre Dadesro kher but thana hin vaſ tumenghe? Me giav kai te kerav tumenghe than, othe te aven te tumen kai me avoho.”

21. O Soul iseeol ko lezuſis

Pala soste opre ghileas o lezuſis an menneos, pala ode mikeas pesro Sent Lelkos po tonitvanea. The von zor hhune the dumazine nas pa lezuſis. The but gine patteane an leste.

De has kise saven kede na ceiieas len. O Soul has ieg dean kala save naſade le tonitvaneonen. Pherdo haslo ruſimaha the kameas kai te gial te an Damaskus, the kode saven vo arakhela, save pattean an lezuſis, giulean the murſen, kai te anel len tele phangle ko lerujal-lemos.

Kana o Soul gialas karig kodo foros, angle te risel an Damaskus, ieg baro vilagſagos kertiileas angla leste. Tele pieas pe phu the haiaerdeas ke varekon phenel leske: „Soul, Soul, sostar naſaves man?”





The vo ode phendeas: „Morro rei, kon han tu?” Vo ode phendeas: „Me hom o lezuşis, saves tu naşaves. Gia andre an kado foros the kode phenena tuke so hin te keres.” Kola save lehe has le, kaştonde, ke numai i hanga hαιarde, the na dikhle khagines.

O Şoul opre uştiileas, ari putrideas pesre iakha, de na dikhleas, ke korrikeas. Hhune les vastestar the andre ghine les an kodo foros. Trin dies na hhaias the na pieas khaici.

An Damaskus has le lezuşes ieg tonitvaneos, savo kide biciolas Ononiaş. Sikadeas pes leske o lezuşis the ode phendeas leske: „Ononiaş!” The ode phendeas o Ononiaş: „Kade hom.” „Ononiaş, gia pe Vorton uiuşa, an le Iudaşesro kher, the kode avela ieg manus, o Şoul. Akana manghel pes, the dikheas sar ieg suno ke avela ieg manus leste savo pe leste ciuvela pesro vast kai paneş kai te dikhel.” De ode phendeas o Ononiaş: „Me hαιardeom ke kado but giungalibo kerdeas an Ierujalemos. Phanelas andre tre tonitvaneonen, marelas len, vaş kode avieas te kade.” Ode phendeas leske o lezuşis: „Gia,






na dara! Les ciuneom les kai te gial te ka aver thana, anglo kraia, anglo morro nepos o Izrael, kai te phenel pa mande, the but dukha hin te phiravel vaş manghe.”


O Ononiaş ghileas ka kodo kher the ode phendeas le Şouleske: „Phrala Şoul, o Iezuſis traneas man tute, kai sikadeas pes tuke po drom kai aviean. Avieom te şei dikhes dean neveste the te aves pherdo le Sîntone Duhoho.” Pe leste ciuneas pesre vasta, the sar kana vareso tele pieahas pa lesre iakha, pala kode dikheas.

Pala ode keresteindeas pes, hhaias the zor hhuneas. Gheas the dumazindeas pa Iezuſis kode an le Delesre neposre khanghira, the ode phendeas ke o Iezuſis hin le Delesro ciavo.

Sekkon kon haiardeas, phenenas maşka pende: „Kado savo dumazinel akana pa Iezuſis, angle kede phanelas andre le Iezuſesre tonitvanean the mudarelas len! Te akana vaş kode avieas kai te hhuden kolen save pattean an Iezuſis, te ghijal len an phandibo.”

De o Şoul mai mişto the mai bara zoraha phenelas ke o Iezuſis hin o Kristuſis, o kraiis trano katho Dragon Del.








22. O nevo zegos the i nievi phu

Pale so o anglune manuşa vetkezinde, na mai erzinde pen khore khatiinde pe phu. Pale so von mule, has te aver manuşa save se kide erzinde pen ideghenie pe phu: sar o Abraham, o Ijak the o Iakob. Kala manuşa na arakhle ieg than kai te erzinen pen sar khore, numa avugiarde les. Phende ke lengro than na has kade pe phu. Von losarenas ieg aver them.

Dake ghindindehas pen pe kodo them kai kerdile, kathar avile, okor pale ſei ghileahas othe. De na. Kamenas ieg than mai lacio, le menneosro them. Le Deleske nanii lagiavo kai te phenen les pengre Deleske, ke kerdeas lenghe te ieg than te erzinen pen sar khore.

Kana has o Iezuſis pe phu, dumazindeas pa kodo them the phen-deas ke othe giala te kerel amenghe ieg than an le Delesro kher. O Tamaſ puceas katho Iezuſis: „Na gianas kai gias. Sar te gianas o drom?” The okkor phendeas o Iezuſis: „Me hom o drom, o ciacibo the o eletos, naſtik te gial khagino ko Dragon Del, ko Dad, numa pardal mande.”





Le Iezușes has les ieg tonitvaneos, o lanoș, the leske sikadeas sar avela e nievi phu. The o lanoș phendeas so dikheas:

„Dikheom o nevo ceros the e nievi phu. E dielmutunii phu the o dielmutuno ceros na mai has. Nică o tengheros na mai has. The dikheom o senton foros, o nevo lerujalemos, sar avel tele katho Dragon Del, dean ceros. The kide has sar ieg bari cei savi şukar opre hasi uiradii vaş pesro rrom.

The haiardeom ieg bari hanga. Ode phendeas pa Dragon Del ke vo le manușența beșela sekkovari. Von avena lesre manușa, the o Del lența avela the lengro Del avela. Vo tele khosela sekkon asva the meribo na mai avela, na mai avela dukh, na mai avela roiibo, ke so has, nathias.” Othe avaha khere.

Text: © 2017-2020 Wycliffe Bible Translators, Inc. CC BY-NC-ND 3.0 - Creative Commons Attribution-NonCommercial-NoDerivatives 3.0 license

Images:

Chapter 1-10, 15, 21: © Sweet Publishing/FreeBibleimages.org CC BY-SA 3.0. Some images have been modified.

Chapter 11-13, 16-20: © Good News Productions International and College Press Publishing CC BY-NC-ND 4.0 Special permission has been granted by GNPI to crop the images.

Chapter 14: © Sweet Publishing/Arabs for Christ/FreeBibleimages.org CC BY-SA 3.0. Some images have been modified.

Chapter 22: © Sweet Publishing/New Harvest Ministries International /FreeBibleimages.org - CC BY-SA 3.0. Some images have been modified.


Puteți copia și redistribui această lucrare doar nemodificat, cu atribuție potrivită, sub aceeași licență. Puteți copia textul în întregime sau în parte, dacă porțiunile selectate nu schimbă sensul originalului. Nu puteți folosi această operă în scopuri comerciale. Dacă reajustați, transformați sau construjiți pe baza lucrării, nu veți putea distribui lucrarea modificată, în nici un mod sau context.

Ez a mű módosítás nélkül másolható és terjeszthető, ugyanazon engedély alapján, a szerzői jogok megfelelő feltüntetésével. A szöveget vagy annak részeit másolhatja, ha a kiválasztott részek nem változtatják meg az eredeti jelentését.

A munkát nem használhatja kereskedelmi célokra. Ha átalakításokat, módosításokat végez rajta, semmilyen formában nem terjesztheti a módosított művet.

Pe canalele noastre Facebook sau YouTube puteți viziona și asculta aceste povestiri, și alte câteva pasaje din Biblie:

Ezek a bibliai elbeszélések és még néhány más bibliai rész megtekinthetők és meghallgathatók a Facebook és YouTube csatornánkon:



További opciók - bibliai szövegek, hangfelvételek, videók, telefonos alkalmazások roma nyelven a weboldalunkon:

Pentru mai multe opțiuni - texte biblice, audio, video, aplicații telefoane în limba rromani, vizitați pagina noastră de internet:

This is a screenshot of a mobile website for "ASHUN LE DEVLES!". At the top, there's a banner with a hand holding a book and the text "AȘUN LE DEVLES! Kate daștis te ceteș în Biblia, O Kuvînto le Devlesko!". Below the banner are four language options: "DIALEKTUL UNGARILOR DIN OLTEMA CU ALFABETUL ROMÂNESC (C)", "DIALEKTUL UNGARILOR DIN OLTEMA CU ALFABETUL ROMÂNESC (K)", "DIALEKTUL UNGARILOR DIN CLETINA CU ALFABETUL ROMÂNIANĂ", and "DIALEKTUL CARPATIC CU ALFABETUL ROMÂNESC (X)". At the bottom, there's a note in Romanian: "Alege mai multe versiuni ca să mar poziție. Puteți pași prin Biblia pe calculator, telefon sau tabletă. Pentru mai multe versiuni ale Bibliei în limba română, vezi [Intrarea cu ambarcația zeului](#)".

www.ashunledevles.eu.org

Acest caiet poate fi descărcat și imprimat de aici:

Ez a füzet letölthető és kinyomtatható innen:

www.ashunledevles.eu.org/print